

TE HEHEURAA API

I neia i te piha neneiraa Univereti i Roto Miti i Utah no te Ekalesia a Iesu Mesia i te Feia Mo'a i te Mau Mahana Hepea Nei i Papeete, Tahiti, i te mau fenua Sotaiete, i te mau avae atoa.

Nu. 5

Setepa, 1919

Mat. 13

I haere anei outou ma te hapa ore i mua i te Atua ra? E mai te mea ra e, ua tipapahia mai nei outou ia pohe i teie nei taime, ua tia anei ia outou ia parau i roto ia outou iho e, i navai ta outo ra haehaa? Ua tamâhia e ua faateateahia to outou ra ahu i te toto o te Mesia, o te tae mai e faaora i to'na ra mau taata i ta ratou mau hara? Alama V: 27.

TE SEMIO I RAVEHIA I KANA.

I muri iho iti i to Iesu taeraa'tu i Galilea ra te ite nei tatou ia'na e to'na ra pūpū iti i te hoê faaipoiporaa i Kana e oire iti ia i pihai iho mai ia Nataretā. Ei reira'toa te metua vahine no Iesu: e te huru ia e ere oia i te manihini noa no te mea i hi'opoa oia i te au maitairaa no te mau manihini ra e ua huru peapea oia i te mea ua pau te uaina. Aita hoi Ioane i faaite noa mai te tumu oia i faatere taua oroa ra e i haapeapeahia i te oreraa i te uaina e no reira te mana'o noa nei e e fetii fatata paha o Maria i tei faaipoipohia i taua mahana ra.

I te reira tau e ō vine to te mau utuafare e ua hamani to ratou iho uaina. O te uaina o te pape vine ia i faahopuehia ra e ia hamani-apî-hia e ere ia i te mea faataero. E peu atoa ia na to taua tau ra ia inu i te uaina i faatarapapehia e te puai ore.

I teie nei oroa tatou e parau nei pau ihora te uaina e ua parau maira te metua vahine o Iesu ia'na: aita a ratou e

uaina. Pahono maira Iesu ia'na, E teie nei vahine; eaha ta oe ia'u nei? aore â i tae i to'u ra hora. Ua parau ta'na metua vahine i te mau tavini, "Ta'na e faaue mai ia outou na, e na reira outou."

Ia tatou nei i teie anotau e parau huru au ore e te iria ta Iesu I parau i ta'na metua; e ere râ te reira te parau mau, te faaite mai nei te feia paari tahito o te faarahi i taua parau ra e parau faaherehere e te faatura te parau *vahine* i taua tau ra e ua au ia parauhia i te mau arii vahine e i te mau metua vahine fahereherehia ra. Ia vai Iesu i nia i te satauro e hoê â ta'na parau i ta'na metua vahine faahereherehia e ana, oia hoi, "E teie nei vahine, a hi'o na i to tamaite," ei reira ua tuu a'u oia ia'na i roto i te rima o Ioane pipi here a haapao ai. E mai te reira hora ua rave maitai Ioane pipi here ia Maria. E te parau ra, "E aha ta oe ia'u nei? E parau poto e te faatura ore te reira ia tatou, ia ratou râ ua au ia, e ua ite Maria ua faatia roa o Iesu i tana aniraa no reira i faaue ihora ia haapao te mau tavini i ta Iesu i hinaaro.

Aita râ i maoro e ua tae i to'na hora e ua faaue ia faaahia te na farii e ono ra i te pape ei reira ma te parau ore e te faaue ore i faariro ai oia i taua pape ra ei uaina. E riro paha ua pure oia i taua pape ra e aore râ ua faaue ia riro ei uaina, aita râ tatou i ite i na reira ai oia no te mea aore Ioane i parau mai i te reira vahi.

E peu ia na te Ati Iuda ia tairuru mai nei ratou i te haaaporaa i te mau oroa mai te faaipoiporaa te huru, ia maitihia te hoê taata ei tavana e aore râ e tiaau no te oroa e ua riro oia ei auvaha no te tane faaipoipo apî. E riro ia ei fetii te tiaau no tei faaipoipohia.

Ia au i te Iesu faaue ua operehia te uaina apî i te mau manihini, e na mua hoi i te tavana oroa. Ia tamata oia, ite ihora oia e uaina maitai roa ia e ua na ô atu i te tane faaipoipo, eaha oe i tapea i te uaina maitai i te otiraa i te tamaraa. "I Kana i Galilea i te raveraa Iesu i teie nei tapao

matamua i te faaiteraa i to'na hanahana : e ua faaroo a'era ta'na mau pīpī ia'na."

Ia ferurui maite tatou i teie faaipoiporaa ra e riro te reira ei haapiiraa maitai na tatou. O te mea hoi i haere ai Iesu i te hoê oroa faaipoipo e i tauturu atoa'i oia, i te reira, e tapao papu roa ia ua au te faaipoipo ia'na e i te evanelia atoa hoi. E tapao atoa ia i farii oia ei mea maitai ia tairuru maira te mau fetii e te mau hoa hoi ia haapaohia te faaipoiporaa. Te vai ra te tahi o te ore e mauruuru i te reira. Ua hahere oia i rotopu i te mau taata mai te amu ra e te inu hoi ia au te mau taata natura noa hoi aore oia i haapeu noa'tu. No reira oia i parau-haavarihia e "Inaha, e taata aamu e te inu uaina."

Na te parau i haapii mai e ia rave Iesu i taua semio ra "e ua faaroo a'era ta'na au pīpī ia'na." E mea papu ua faaroo ta'na mau pīpī ia'na hou oia i faariro ai te pape ei uaina no te mea i pee noa ra ratou i muri iho ia'na, e riro paha ra ua faarahihia to ratou tiaturi ia'na.

E mea papu roa ia tatou nei o te faariroraa i te pape ei uaina, o te hoê semio ia, e eita roa'tu e tia ia haroaroa to tatou mau mana'o pouri i taua ohipa maere ra; e ohipa mana hoi te reira i ravehia ei tapao. Eita roa ia e oti taua huru ohipa i te mana e te puai o te taata nei, i te mana râ o te Atua.

O te semio ra e tapao ia no te mana o te Atua : e ua titau pinepine hia teie mau tapao ra i te mau peropheta ra aita râ i faaite noa hia. E rahi atu o Ioane Bapetizo i te peropheta, aita râ ta Ioane tapao i rave, e aita'toa hoi o Zekaria e o Malaki e tau peropheta tuiroo e hoê semio i rave ra. Ia Mose râ a faauehia'i oia e faaora mai ia Iseraela mai roto atu ia Aiphiti ra e rahi te mana i horohia no'na e rave tapao no te mea paha o te ravea ana'e te reira e haamata'u to Aiphiti.

Aita roa te raveraa semio ei faahaparaa i te mau ture natura ua ravehia râ te semio ia au i te mau ture teitei. Te

ite te taata nei e, ia vaere oia i te hoê maa fenua iti e i faane-
henehe ihora te reira ei faaapu no'na ei reira e tanu ai i te
mau huero vine, te vai atura te mahana e faahotu mai taua
vine ra e e noaa ia'na i te maa para maitai e te monamona.
E mea papu roa hoi e noaa ia'na i te ahune mai te mea ua
tatau oia i te haapao i taua vine ra mai te utarutaruraa e i
te faarareraa i te repo ia maro. E ere, anei te tupuraa o
taua vine ra e semio rahi, e oti anei te reira i te mana o te
taata nei? eiaha rao'tu ia. Aita tatou i mana'o e semio
teie mau mea no te mea ua matau tatou i te hi'o atu i te
reira mau mea ma te faruri ore.

Ia tanu tatou i te huero vî e ere i te mea maoro e ua
tupu te reira e ia hi'o noa tatou i te reira, inaha ua otea rii
maira te hoê amaa rii, e maoro iti â e ua tupu te mau rauere
rii e ua tuu i raro taua huero ra i te tahi mau aa rii atoa. E
semio anei te reira; e, oia mau e semio rahi te reira. E teie
nei e semio rahi anei te faariroraa i te pape e uaina i te faa-
tupuraa i te huero vî ei tumu raau paari maitai? Ia tatou
nei e semio mau te ohipa'toa o te Atua.

Ia haroarohia te ohipa o te Mesia, ia ite tatou e e Ta-
maiti oia na te Atua e tia'i; e i te taata o te ore i ite e Ta-
maiti oia no te Atua, te vai noa ra te titauraa, "A haere
mai e hi'o."

Farani Fulumare.

E MAU PARAU PAARI

E ere ia to te Atua hinaaro ia haapao te taata i to'na
ana'e ilho maitai, ia haapao atoa râ oia i to vetahi êê atoa ra
maitai e au ai.—*Tihoti Uasitona.*

Aita rea te mau mea maitai i ore i anoihia i te ino, e
aita rea hoi te mau mea ino i ore i anoihia i te maitai. Ua
anoi-pinepine-hia te maitai i te ino e te ino i te maitai.
—*Likona.*

Parau Faaite.

I te 11 no Tiinu i mairi a'enei, pohe atura to tatou hoa here, O Teroro Tahuora a Enota. O te tamahine ia a Teuira a Raka raua o Reretava.

O te huru teie o to'na ra poheraa, oia hoi, a parahi ai oia i to'na fenua ai'a—, te vai maitai noa ra to'na tino. I to'na haereraa mai i Tahiti nei i reira oia te tupuraahia i te ma'i. E ono avae oia i te tupu-noa-raa i te rahi i taua ma'i ra. Te itoitonoa ra râ to'na mana'o i te haaviraa i taua ma'i ra. Tere atura oia e to'na atoa ra na metua hoi i te fenua ra i Takapoto. Ia tae ratou i reira i paruparu roa ibora to'na tino. Hou a'e a pohe atu ai oia ra, faaite maira to'na tau metua i te hoê mau parau faaitoitaraa ia'na no te mea e, e tamahine taiata ore oia i mauruuru roa'i te Atua ia'na. E tamahine haapao maitai roa oia mai te peu papu, e te aau maru roa. Ani maira oia ia haamaitaihia ia hou oia i pohe atu ai. Faaite a'era oia i to'na mana'o papu mai te feaa-ore e, eiaha roa'tu ratou ia peapea i to'na ra revaraa'tu i te vahi no reira mai oia; ia tapea maite râ ratou i te faaroo nei i te mea e, te haere nei oia i te ao varua, e ei reira oia e parahi noa'i i roto i te hoê â haapaoraa ta ratou i haapii mai ia'na i teie nei ao. Te na ô maira oia ia ratou, "E papa, e mama e to'u mau tuaane e, a faaitoitonoa outou atoa na i to outou tiaturiraa i teie nei faaroo mau, e na reira noa outou ra e farerei faahou ia tatou i taua farereiraa mau i te ao varua ra. Te pii mai nei tau Metua i te ra'i ra ia'u e, "E tau tamahine e, a haere mai, a haere mai," no reira, outou atoa na, a parahi ana'e mai te maitai. Ia ora na! Tapo a'era oia i to na mata, o te revaraaraa ia to'na ra varua. E poheraa maitai to to tatou tuahine ra. E noa'tu to tatou taa-ê-raa ia'na i roto i teie nei ao, te taa noa nei ia tatou e, te haapao maitai nei to tatou Metua i te ra'i ra i to taua tuahine varua ra.

Parau Faaite.

Te faaitehia atu nei te huru, o te poheraa o to tatou tuahine ra, o Vaituramaria a Tahuhuataa tei pohe i te hora piti i te mahana Monire, i te 20 no Atopa i te matahiti 1919, i te fenua ra i Tubuai, i te oire Taahuaaia.

E tamahine oia na Tahuhuataama, e na te vahine ra, na Tiaina i fanau. Ua fanau oia i te 26 no Titema i te matahiti 1869 i Tubuai. Ua baptizohia oia i te 23 no Novema i te matahiti 1892 i te oire ra i Taahuaaia. Na te misionare faaue ra na Viriamu Setemila oia i baptito i roto i te faaroo mau nei a te Mesia, tuuhia a'era te rima i nia iho i to'na ra upoo no te horoaraa i te Varua Maitai. I te pae ahururaa o to'na ra matahiti i pohe ai oia ra, reva ihora to'na varua i te vahi ra no reira mai oia ra, o te vahi hoi ia i haapaohia e te Atua no tatou atoa nei.

Te vai ibo mai nei oia i to'na ra utuafare, i teie nei ao, oia hoi, to'na hoa here e to rana mau tamarii, e te mau taeae. E tuahine itoitō rahi roa oia, aore hoi to'na mana'o i vi i te mau tamataraa a te diabolō. Te rave noa ra oia i te ohipa no te Ekalesia nei mai te fiu ore e mai te hinaaro mau i te faatia i te parau a te Atua teitei ra.

Aue hoi te aroha maere rahi tei tupu ia'na i te mau mahana atoa, e no te here faito ore i tupu ai to'na mana'o i te tauturu mai i te ohipa a te Atua na roto i te man ravea mai-tai huru rau. Te hoê o taua mau ravea ra, o te tautururaa ia i te mau taeae e te mau orometua popaa e te maohi hoi i Tubuai. No to'na here rahi i te mau orometua popaa i horoa mai ai oia i to'na fare ei fare parahiraa no ratou e aore hoi oia i nounou i to'na fare e ta'na ra mau taehaa i tuuhia mai e ana i roto i te rima o te mau orometua o tei tae atu i taua fenua ra ia Tubuai, i te taeraa mai o te hora i pohe atu

ai oia ra, tupu ihora te oto rahi i te aau o te mau orometua o tei parahi i taua fenua ra, o te hoê ia taa-ê-raa aroha rahi, no te mea e, ua riro o Vaitumaria ei mama Tahiti no te mau orometua i Tubuai ra.

Ua taa ê tatou ia'na i te pae o te tino nei, area râ, te vai noa ra ta tatou haamana'oraa i taua vahine ra o te here-rahi-hia e tatou nei.

Ua riro te mau ohipa maitai ta'na i rave ei faaiteraa i te teie mau fenua moana e, e melo mau oia i te Ekalesia nau: Te na ô maira te parau a te Atua, "E ite hoi outou ia ratou i ta ratou i faahotu mai. E ore e tia i te raau maitai ia faahotu mai i te huero ino." Te vai mau atura hoi te tau ta te Atua i faataa e farerei faahou ai tatou ia'na ma te aroha e te oaoa rahi. E mea taa papu roa hoi e, e noaa mai ia'na te hoê vahi hanahana i te ao varua ra no te ohipa maitatai ta'na i rave i teie nei ao, no amuri atu. Ua farii papu mai hoi oia i te mau tavini a te Atua mai te aau aroha mau. E hi'o tatou i roto i te papairaa mo'a, Buka Fafau 42:38, e te pene 84:37, e no te reira i papaihia i reira e amuihia mai ai i nia ia'na ra te hoê haamaitairaa, e e noaa mai ai te hoê korona hanahana no te parau-tia. 2 Timoteo 4:8.

Ua haamatahia te mau pureraa no to'na hunaraa i te hora piti i te ahiahi i te mahana 21 no Atopa. E mea hanahana to'na ra hunaraahia.

Ua tairuru mai te mau taata no na oire e maha. Ua faatura mai hoi te mau Katorika, te mau Porotetani e te mau Sanito i te hunaraa o to tatou hoa here, o Vaituramaria.

"Oia atoa ia tae i te hopea o teie nei ao; o te mau melahi te haere mai e haru i te feia parau ino no roto i te feia parau-tia," Mataio 13:49.

Mau Parau Apî

Te na ô mai nei te parau faaite e, e mea tia ia tauturu-hia te feia veve i Europa. Te vai noa nei to ratou ereraa no te tama'i.

Ua papaihia i roto i te hoê vea Cheritetiano e, e mana'o huru ê tei roaa mai i te hoê pae o te feia Tinito a tiahapa ai ratou i te vahi tama'i. Ia hiopoa ratou i te huru o te mau haapaoraa Cheritetiano, ua huri to te tahi pae mana'o e ua amui i hora ratou i roto i te mau faaroo Cheritetiano. Ua tau mau maite râ vetahi pae i to ratou iho haapaoraa tumu.


Tera te feruriraa o te hoê popaa rahi Marite, Ia tae i te hopea o teie nei matahiti, e riro ia e, e pau e hoê milioni dala e te tiahapa (\$1,506,776.00, moni Marite) i te pupu faaau hau no Marite. Te parahi nei te reira pupu i Paris i teie nei.

Te parahi nei te hoê ruau i Marite, e te parauhia nei e, e hoê hanere e toru ahuru ma hoê to'na matahiti. Ua faaipoipo oia i te vahine i te hoê hanere e piti ahuru ma pae o to'na matahiti.


Ua faaue te hoê atimarara Marite (Rear Admiral Bristol) i te feia Turekia ia faaea ratou i ta ratou taparahiraa i te feia Aramenia (Armenians).

Te orure nei te hoê mau taata Europa no to ratou ino-inoraa i te Ati Iuda ote parauhia e ratou ei Bolsheviki.


Ua haamauhia te ofai tihi o te hoê tii i Farani ei haamana'oraa i te vahi i tapaehia e te mau faehau Marite i te avae no Me i te matahiti 1917.



E mau hoho'a i faaitiehia i roto i te vea nei no te tahi mau mato i Utaha. Ua parauhia te Hiero no te mau Atua. Ua nehenehe roa teie mau mou'a e mai te huru ua paraihia i te mau huru peni atoa. Aita rea e taata i ite i teie mau mato no te mea tei te vahi medebara mau e te ano.



E mau hoho'a i faaitēhā i roto i te vea nei no te tahī mau mato i Utaha. Ua parauhia te Hiero no te mau Atua. Ua nehenehe roa teie mau mou'a e māi te huru ua paraihia i te mau huru peni atoa. Aita rea e taata i ite i teie mau mato no te mea tei te vahi medebara mau e te amo.



E hoho'a teie no te hoê aeroplane e tamata i te maue mai Amarika atu i Europa; o te taata faatere i faaite atoa hia.

PARAU PAARI

Ia aahia te hiroa taata i roto i te aau viivii ore e tia'i, aita to te taata e faufaa ia ere oia i te aau tia, no reira aita i navai ia noaa ia'na te ite rahi ana'e, ia noaa'toa râ te aau mâ e te viivii ore e tia'i.—*Tihoti Uasitona*.

E taata moni rahi, o te reira ia, e e taata veve roa, o te reira hoi ia, e hui raatira maitai roa ia oia mai te mea te parahi ra oia ma te hau, a haapao maitai atu ai i te mea tia e te mea au.—*Theodora Roseveta*.

Faufaa ore roa ia te itoitoe e te mau ohipa a te taata nei, maori râ ua faaarataihia e te Atua. No Ta'na faaoro-mai rahi e no to'na aroha rahi hoi i noaa'i ia tatou ta tatou mau maitai atoa.—*Govera Kevelana*.

Te tara vahine e te mau tamarii, o te tumu mau ia no te aroha fenua, e na te here vahine, te here tamarii, e te here metua e faatupu i te here fenua.—*Govera Kevelana*.

Eiaha ia moe ia tatou e e tia'i i te vahine au maitai ia faaitoitoe i ta'na tane e riro ai oia ei aeto e ei taata rave ohipa rahi tuiroo.

E toru ahuru ma pae milioni te rahi o te mau bibilia i neneihia i te matahiti hoê, aita râ i navai ei opere na te feia'toa e hinaaro i taua buka moa'ra.

TOAE A MAERE, Faaau Parau, Rue Dumont d'Urville, Orovini, Papeete, Tahiti.
ERNEST C. ROSSITER, Imprimeur, Rue Brea et de la rue Damont d'Urville, Papeete, Tahiti.